

समा. 09.20 Hrs

[illegible]

- **मुख्यमंत्री उमर अब्दुल्ला** होरें अज्ज अपने मंत्रीमंडल दी इक महत्वपूर्ण बैठक सद्दी दी ऐ जेदे च आरक्षण नीति च बड़े बदलावे पर फैसले दी मेद ऐ।
- **मुख्यमंत्री** होरें आखेया जे श्री माता वैष्णो देवी मैडिकल कॉलेज धर्म पर आधारित दाखले छड़े तां गै मुमकिन न- जेकर कॉलेज इसी मुफ्त दिती गेदी जिमी वापस देई देयै ते ग्रांट लैना बंद करी देयै।
- **ट्रांसपोर्ट मंत्री सतीश शर्मा** होरें जे.के. केबल कार कारपोरेशन च रुफटाप सोलर पावर प्लांट दा उदघाटन कीता।
- **जम्मू-कश्मीर** च राजभवन दा नां बदलियै लोक भवन करी दिता गया ऐ।
- **मुख्य सचिव अटल इल्लू** होरें प्रदेश च 4 नमीं श्रम संहिताएं दी अमलावरी दा जायजा लैता।

<><><><><><>

मुख्यमंत्री उमर अब्दुल्ला होर अज्ज अपनी कैबिनेट दी उच्ची सतह दी इक बैठक ला करदे न -जेहदे च मेद ऐ जे केई महत्वपूर्ण फैसलें- जियां जे नौकरियें ते तालमी इदारें च ओपन मैरिट दा कोटा बंधाना वगैरा लैते जाई सकदे ना।

आकाशवाणी दे जम्मू संवाददाता नै जानकारी दिती ऐ जे अज्जै दी बैठका च आरक्षण नीति मुख एजेडे दा हिस्सा होई सकदी ऐ। दरबार मूव दे बाद जम्मू सिविल सचिवालय च लगने आहली- कैबिनेट दी एह पैहली-पैहली बैठक ऐ ते एहदे च आरक्षण नियम ते बक्ख-बक्ख कोटे गी युक्तिसंगत बनाने बारे चर्चा कीती जाहग।

<><><><><><>

CM-SMVDMC

मुख्यमंत्री उमर अब्दुल्ला होरें आखेया ऐ जे सरकार गी एहदे च कोई ऐतराज नेंई होग- जेकर श्री माता वैष्णो देवी मैडिकल कालेज जम्मू कुसै विशेष धर्म दे विद्यार्थियों दे दाखले दी गिनतरी गी सीमित करदा ऐ ते इयां तां गै होई सकदा ऐ जेकर एह संस्थान इसी मुफ्त दिती गेदी जिमी गी पैहले वापस करै ते सरकार दी तरफा दिती जाने आहली ग्रांट लैना बंद करै। आकाशवाणी दे जम्मू संवाददाता नै जानकारी दिती ऐ जे कल जम्मू च पत्रकारें कन्नै गल्ल करदे होई मुख्यमंत्री होरें आखेया जे मजूदा कनून ते संवैधानिक बवस्था- मैडिकल कालेज च धर्म दी बिनाह पर दाखला करने दी इजाजत नेंई दिंदे। मुख्यमंत्री होरें साफ कीता जे श्री माता वैष्णो देवी मैडिकल कॉलेज च दाखले नीट दे म्तेहान राएं पूरी चाल्ली काबिलियत दी बिनाह पर दिते जंदे ना। उनें आखेया.....

<><><><><><>

Satish Solar Plant

जम्मू-कश्मीर च नवीकरणीय ऊर्जा दे इस्तेमाल गी बढ़ावा देने बक्खी इक होर गैंह पुट्टदे होई ट्रांसपोर्ट मंत्री सतीश शर्मा होरें कल बाहु जम्मू स्थित जे.के. केबल कर निगम च 143 किलोवाट छमता आहले सौर ऊर्जा संयंत्र दा उदघाटन कीता। जागरुकता ते उदघाटन कार्यक्रम दा सरिस्ता जम्मू-कश्मीर ऊर्जा विकास एजेंसी जे.के.इ.डी.ए आसेया साईस ते टैक्नालोजी मैहकमे दे बैनर हेठ कीता गया। बाहु थमां विधायक विक्रम रंधावा ते जे.ए.के.इ.डी.ए दे मुख्य कार्यकारी अफसर डाक्टर पी.आर. धर बी इस मौके पर मजूद हे। इमारत दे छत्ते पर लाए दे इस सोलर संयंत्र दी मदद कन्नै इस प्रोजैक्ट पर होने आहली बिजली दा खर्चा बचोग। इस बारे पत्रकारें गी जानकारी दिंदे होई मंत्री सतीश शर्मा होरें आखेया.....

<><><><><><>

Itoo -CLUJ

शिक्षामंत्री स्कीना इतू होरें कल जम्मू दे अभिनव थियेटर च आयोजित इक बड़े कार्यक्रम दौरान कलस्टर युनिवर्सिटी जम्मू दे परफार्मिंग आर्ट्स विभाग गी शुरू करोआया ते इस मौके पर ओदा अधिकारिक लोगो बी जारी कीता।

इस मौके पर बोलदे होई इत्तू होरें आखेया जे एह कार्यक्रम कलस्टर युनिवर्सिटी दे शैक्षणिक दे सांस्कृतिक दायरे दे विस्तार गी दर्शादा ऐ जेदा मकसद संगीत- थियेटर- नाच ते इस चाली दियें होरनें कलाएं च नौजवानें दे हुनर गी होर तराशना ऐ। इस मौके पर कलस्टर युनिवर्सिटी दे वायस चांसलर प्रोफेसर एस. चन्द्र सेकन- शैक्षणिक अमले ते विद्यार्थियें गी मुबारकबाद दिंदे होई मंत्री होरें जम्मू दी लोक कला हरण दी शानदार सांस्कृतिक प्रस्तुति दी सराहना कीती। मगरा इस नमीं पैहलकदमी दे बारे च होर ब्यौरे सांझा करदे होई कलस्टर युनिवर्सिटी जम्मू दे वायस चांसलर होरें आखेया.....



Dar Kissan Mela

कठुआ जिले दे गाटी इलाके च कल जिला सतह दे इक बड्डे करसान मेले दा सरिस्ता कीता गया- जेहदा उदघाटन राई-बाई मैहकमे दे मंत्री जावेद अहमद डार होरें कीता। मेले च खरी मती गिनतरी च करसान- राई-बाई क्षेत्र दे माहिर- स्कास्ट थमां साईसदान ते होर केंई लोक शामिल होए- जेहदे नै एह आयोजन जानकारी- तकनीकी छमता ते ज्ञान ते करसानें ते वैज्ञानिकें बश्कार गल्लवात लेई इक बड्डा केन्द्र बने दा रेहा। अपने उदघाटनी सम्बोधन च डार होरें बक्ख लोकें- जिंदे च राई-बाई कन्नै सिद्धे ते परोक्ष रुप च जुडे दे लोक शामिल न- गी इक्के थाहर आहन्ने ते जानकारी दा अदान-प्रदान करने लेई राई-बाई मैहकमे दी सराहना कीती। उनें नमियें काड्डे ते टैक्नालोजी दे इस्तेमाल ते करसान हतैषी नीतियें राहें करसानें दे सशक्तिकरण लेई सरकार दी वचनबद्धता गी फही पक्का करदे होई आखेया.....



Lok Bhawan JK

लैफ्टिनेंट गवर्नर हुंदे सचिवालय नै राजभवन दा नां बदलियै लोक भवन जम्मू-कश्मीर कीते जाने दा ऐलान कीता ऐ। आकाशवाणी जम्मू दे संवाददाता दी इक रिपोर्ट मुजब राजभवन दी इमारत केन्द्र शासत प्रदेश दे लैफ्टिनेंट गवर्नर हुंदा अधिकारिक निवास ते दफ्तर बी ऐ। एल.जी हुंदे प्रधान सचिव डाक्टर मंदीप के भंडारी हुंदे आसेया दस्तख्त कीते गेदे इक हुकमै च ए आखेया गया ऐ जे राजभवन दे नां च तब्दीली फौरी तौर पर लागू मन्त्री जाग ते हूंन इसी लोक भवन जम्मू-कश्मीर आखेया जा करोग। भारत सरकार दे गृह मंत्रालय आसेया जारी इतलाह दे मगरा ए हुकम जारी कीता गया ऐ।



मेजर जनरल रिटायर्ड रंजन महाजन होरें कल राजभवन जम्मू जाइयै अपनी नमीं कताब- “कश्मीर ऑन दे लाईन ऑफ फायर” उपराज्यपाल मनोज सिंहा होरें गी भेंट कीती। इस दौरान उनें एल.जी हुंदे कन्नै गल्लबात कीती ते अपनी कताब लिखने दे बक्ख-बक्ख पैहलुएं दे बारे च विचार सांझे कीते। इस कताब च बन्ने पर तैनात सैनिकें गी दरपेश दिक्ते- जमीनी सच्चाइयें- मकामी लोकें दियां परेशानियां ते घाटी च सुरक्षा स्थिति दियां जटिलतां- बड्डे दिलचस्प ते असरदार ढंगै नै उजागर कीतियां गेदियां न। लखारी दे जतनें दी सराहना करदे होई एल.जी होरें उनेंगी ममारकबाद दिती ते आखेया जे इस कताब राएं पाठकें गी कश्मीर दियें सच्चाइयें गी जानने ते समझने दा मौका दिता गया ऐ।



CS- Labour Codes

मुख्य सचिव अटल डुल्लु होरें प्रदेश च 4 नमीं श्रम संहिताएं दी अमलावरी दी स्थिति दा जायजा लैने आस्तै कल इक उच्ची सतह दी बैठक दी प्रधानता कीती। इनें संहिताएं दा मकसद सरबंध्यत प्रणालियें गी सौक्खा बनाना ते श्रमिकें दी स्थिति च सुधार आनना ऐ। इस मौके पर मुख्य सचिव होरें आखेया जे केई सारे श्रम कानूनें गी मलाइयै 4 संहिताएं दा निर्माण करना- श्रमिकें दे अधिकारें ते उंदी राक्खी-हिफाजत यकीनी बनाने च इक बड़ी बड्डी उपलब्धी ऐ। उनें जम्मू-कश्मीर च इनें संहिताएं गी बवस्थित ढंगै कन्नै अपनाने लेई लोडचदे संस्थागत ते कनूनी ढांचे गी तगड़ा बनाने दी जरूरतै पर जोर पाया। सब्बनें सरबंध्यत धडें तोड़ी पुज्ज स्थापित करने दे महत्वै पर लौ पांदे होई मुख्य सचिव होरें श्रम ते रोजगार विभाग गी निर्देश दिता जे ओ प्रचार ते जागरुकता आली इक व्यापक मुहीम चलाने दे कन्नो-कन्नी संगठनें- कर्मचारियें ते इनें संहिताएं गी लागू करने आली एजेंसियें लेई समर्थ निर्माण कार्यक्रमें दा बी आयोजन करोआन।

